



## МЕСЯЦА ОКТЯБРЯ В 5-й ДЕНЬ

### Собор святителей Московских Петра, Алексія, Ио́ны, Фили́ппа и Ермоге́на, всея России чудотворцев

#### НА МАЛОЙ ВЕЧЕРНИ

На Господи, воззвах: стихиры, глас 8.

Подобен: О, преславнаго чудесе:

**С**вятителие, отцы всечестнии, / Пётре, Алексіе, Ио́но, Фили́ппе и Ермоге́не, / слепым даете свет, болящим исцеления и хромым хождение, / милостивно преклоняющесе / приходящим с верою к храму вашему / и просящим помощи вашей: / вас бо, заступники, и предстатели, и хранители, / вернии вси обретохом.

**С**вятителие, отцы преблаженнии, / Петре, Алексіе, Ионо, Филиппе и Ермогене, / добродетельми вшедше, яко на колесницу, / к Богу востекосте, / победныя приемлюще почести, / яко мѣлоть нам телеса ваша, положена во гробе, святителие, остависте, / источати исцеления / и прогонѣти духи лукавыя, / темже блажѣм вас, прехвѣльнии.

**Л**иком святительским сочетаетесе, / постническим житіем украсившесе, / Петре, Алексіе, Ионо, Филиппе и Ермогене, / ныне в Небесных живете, веселящесе, / идеже предстоите Христу, / со Ангелы ликовствующе, / светом Божественным обожаемы, / поминайте выну блажѣщих вас на земли / и пречестное ваше творящих празднество.

Слава, глас 6:

**Возсия** солнцобразно святителей Христовых  
память, / верных сердца разумно просвещаящи, /  
юже мы, светло совершающе днесь, молебно  
возопиём: / радуйтесь, пастырие и учителя / хри-  
стоименитым людем Российския земли, / радуйте-  
ся, церковное украшение, / архиереев доброта,  
монахов похвала, / святителие Христовы Петре,  
Алексие, Ионо, Филиппе и Ермогене, / Христа  
Бога молите спастися душам нашим.

На стиховне стихиры, глас 2.

Подобен: Доме Евфрафов:

**Дом** духовный / поспешением благодати / Петр  
явися. / Темже ныне сошедшеся, / того воспоим.

**Стих:** Священницы Твои облекутся в правду, /  
и преподобнии Твои возрадуются.

**Святителем** похвала / и священником слава, /  
правило монашествующим, / Алексие святе, / ра-  
дуйся, Церкви утверждение.

**Стих:** Честна пред Господем / смерть преподоб-  
ных Его.

**Храм** всесветел / Трисолнечныя зары сый, /  
озаряеши души / питающихся словесы / твоими,  
Ионо.

**Стих:** Уста праведнаго поучатся  
премудрости, / и язык его возглаголет суд.

**Дом** Духа Святаго был еси, / благодатию  
исполнен / Божественных учений, / имиже напоя-  
еши мир, / премудре Филиппе.

Слава, глас тойже:

**Граде** Москва, / сердце Руси православныя, /  
граде великих святителей, / красуйся новым чу-  
дотворцем Ермогеном.

И ныне, Богородичен:

**Радуйся,** Богородице Дево; / радуйся, похвало  
всей вселенней, / радуйся, Чистая Мати, / Богу  
Благословенная.

**НА ВЕЛИЦЕЙ ВЕЧЕРНИ,**

**Блажен** муж: На Господи, возвах,  
стихиры, глас 4.

Подобен: Яко дбля:

**Яко** звезды многосветлыя, / утверждени  
прехвальнии, / мир украсисте, всечестнии, / и сей

лучами просвещаете/ догматы благоверия,/ и ереси тьму отгоните, святителие./ Молитесь от тли и бед избавитися/ верою творящим всечестную память вашу.

**С**иянии духовными просветивше вселенную,/ светодательная солнца явистесь,/ яко лучи велений/ во вся концы простирающе,/ верных сердца просвещаете, треблаженнии,/ отгоняюще тьму ересей, Богоносцы,/ силою от Девы Возсиявшаго.

**А**постолом равнопроповедателие,/ святителем единомудреннии,/ постником сподвижницы,/ пастырие суще избрании,/ милости благоутробнии подателие,/ Российстии первопрестольницы,/ достойно восхваляем вас, святителие,/ Ангелом собеседницы и молитвенницы о душах наших.

**Ины стихиры, глас 6.**

**Подобен: Все отложше:**

**В**оистинну священнейшии и Богоноснии/ явльшеся помазание Божественное, святии,/ Святым Духом обложени,/ и светло всегда входяще, славнии, во святая святых,/ и светлостью Богоначальными облистаемы благодатию,/ и получающеся спасительным тайнам,/ яко священнотайныя суще первопрестольнице Российстии,/ со дерзновением молитеся о душах наших.

**Ж**итие ваше просия добродетельными блистаньями,/ и верныя просветисте,/ прелести бурю развьясте,/ поистинне явистесь светозарное солнце,/ священноначальницы всеблаженнии, вселистесь, идеже Свет сияет невечерний,/ сынове дне благодатию Святаго Духа бывше./ И тем вашу память Божественную/ и светonosный праздник совершаем/ и, веселящеся, вас убажжаем.

**Н**очь потребльше еретическую всю,/ священноначальницы всемудрии,/ Петре, Алексие, Ионо, Филиппе и Ермогене, блистаньями духовными просвещаемы,/ и верным всем, славнии,/ помышления озаривше благодатию,/ и Троицу Несозданную славити научивше./ Тем светозарную вашу память/ совершающе радостно, просим:/

молѣтесе Христу, Преплагому Богу, / неотступно,  
всехвальнии, о душах наших.

Слава, глас 6:

Человецы Божии и вернии раби, / служителие  
Господни, / мужие желания, / сосуди избранныи, /  
столпи и утверждение Церкви, / Царствия  
наследницы, / не премолчите, еже о нас вопити  
ко Господу.

И ныне: Кто Тебе не ублажит:

Вход. Прокимен дне. Чтения 3 святительския.

Притчей чтение (глава 3):

Памѣть праведнаго с похвалами, / и благосло-  
вѣние Господне на главѣ его. / Блажен человек,  
иже обрѣте премудрость, / и смертен, иже увѣде  
разум. / Лучше бо сию куповати, / нежели злата и  
сребра сокровища. / Честнейшая же есть камен-  
ный многоценных, / все же честное недостойно ея  
есть. / Долготѣ бо дней и лета живота в деснице  
ея, / в шуйце же ея богатство и слава. / От уст ея  
исходит правда, / закон же и милость на языке  
носит. / Послушайте убо мене, о чада! / честная  
бо реку, / и блажен человек, иже пути моя  
сохранит. / Исходи бо мой, исходи живота, / и  
уготовляется хотение от Господа. / Сего ради  
молю вас / и предлагаю мой глас сыновом  
человеческим: / яко аз премудрость устроих, /  
совет, и разум, и смысл аз призвах. / Мой совет и  
утверждение, / мой разум, моя же крепость. / Аз  
мене любящая люблю, / ищущии же мене обря-  
щут благодать. / Разумейте убо, незлобивии,  
коварство, / ненаказанныи же, прилагайте  
сердца. / Послушайте мене и паки, / честная бо  
реку, / и отверзу от устен правая, / яко истине  
поучится гортань моя, / мерзски же предо мною  
устны лживыя. / С правдою вси глаголы уст  
моих, / ничтоже в них стропотно, ниже  
развращено. / Вся права суть разумевающим, / и  
проста обретающим разум. / Научаю бо вас  
истине, / да будет о Господе надежда ваша, / и  
исполнитесь Духа.

Премудрости Соломоновы чтение (глава 10):

Уста праведнаго каплют премудрость, / устне  
же мужей мудрых ведят благодать. / Уста мудрых

поучатся премудрости, / правда же избавляет их  
 от смерти. / Скончавшуся мужу праведну, не  
 погибнет надежда. / Сын бо праведен раждается  
 в живот, / и во благих своих плод правды  
 обьмет. / Свет праведным всегда, / и от Господа  
 обрящут благодать и славу. / Язык мудрых до-  
 брая свесть, / и в сердце их почиет мудрость. /  
 Любит Господь преподобная сердца, / приятни  
 же Ему вси непорочнии в пути. / Мудрость Гос-  
 подня просвещает лице разумнаго. / Постигаёт  
 бо желающия ю, прежде даже разумети ю, / и  
 удобь узрится от любящих ю. / Утреневавый к  
 ней, не утрудится, / и бдяй ея ради, вскоре без  
 печали будет. / Яко достойных ея сама обходит  
 ищущи, / и в стезях ея является им  
 благоприемне. / Мудрости никогдаже одолеет  
 злоба. / Сих ради и рачитель бых доброты ея, / и  
 возлюбих ю, и поисках от юности моея, / и  
 взысках невесту привести себе, / яко всех Влады-  
 ка возлюбил ю. / Тайбница бо есть Божия  
 хитрости, / и обретательница дел Его. / Труды ея,  
 суть добродетели, / целомудрию же и разуму та  
 учит, / правде и мужеству, ихже потребне ничто-  
 же есть в житий человеком. / Аще же и много-  
 искусства желает кто, весть древняя / и быти  
 хотящая разсмотрит. / Свесть извития словес и  
 разрешения гаданий, / знамения и чудеса  
 проразумет / и сбытия времен и лет. / И всем  
 советник есть благ, / яко безсмертие есть в ней и  
 благославие во общении словес ея. / Сего ради  
 беседовах ко Господу, и помолыхся Ему, / и рех  
 от всего сердца моего: / Боже отец и Господи  
 милости, / сотворивый вся словом Твоим и мудро-  
 стию Твоею устроивый человека, / да владеет  
 бывшими от Тебе тварьми / и да управляет мир в  
 преподобии и правде. / Дажь ми Твоим Престо-  
 лом приседящую премудрость / и не отлучи мене  
 от отрок Твоих, / яко аз раб Твой и сын рабыни  
 Твоея. / Посли ю с Небес от святаго жилища  
 Твоего, / и от Престола Славы Твоея, / да сущи со  
 мною научит мя, / что благоугодно есть пред  
 Тобою, / и наставит мя в разум, / и сохранит мя  
 в славе своей. / Помышления бо смертных

вся боязлива / и погрешительна умышления их.

Премудрости Соломоновы чтение (глава 4):

Похваляему праведнику, возвеселятся людие: /  
безсмертие бо есть память его, / яко от Господа  
познавается и от человек, / и угодна Господеви  
душа его. / Возлюбите убо, о мужие, мудрость и  
поживете: / восхощите ея и наказани будете. /  
Начало бо ея любви и соблюдение закона. / Поч-  
тите премудрость, да во веки царствуете. / Возве-  
щю вам и не скрью от вас таин Божиих, / яко Той  
мудрости Наставник есть, и мудрых  
Исправитель, / и всякому смыслу и делу Хитрец. /  
И всем смыслом научит мудрость, / есть бо в ней  
Дух Разумен и Свят, / и сияние Света присносуш-  
наго, и образ благодати Божия. / Тая други Божия  
и пророки устроет, / благолепнейши же есть  
солнца и паче всякаго сотворения звезд, / свету  
сосуждаема, обретается первейши. / Тая угожда-  
ющих ей от болезни избави / и настави на стези  
правыя. / Дадé им разум имéти свят, / и сохрани я  
от ловащих, и подвиг крепок подаде им. / Да  
разумеют вси, яко сильнейши всего есть  
благочестие, / и никогдаже преможет злоба  
мудрости, / ниже преидет злыя обличающи суд. /  
Рекоща же в себе, помысливше неправедно: /  
насильствуем праведному, и не пощадим препо-  
добства его, / ни усраимся седин старости  
многолетны. / Будет бо нам крепость закон / и  
уловим праведнаго, / яко неугоден нам есть, / и  
противится делом нашим, и поносит нам отпадé-  
ние закона, / и обличает нам согрешения наказá-  
ния нашего. / Возвещает нам разум имéти  
Божий, / и отрока Господня себе именует. / Бысть  
нам на обличение помышлений наших / и тяжек  
нам есть и видим, / яко неподобно иным житие  
его, и изменены стези его. / В поругание вмени-  
хомся ему, / и удалается от путей наших, яко от  
нечистот, / и блажит последняя праведных. / Уви-  
дим убо, аще словеса его истинна суть, / искусим,  
яже сбываются ему. / Руганием и мукою истяжем  
его, / да разумеем кротость его и искусим беззлоб-  
ство его, / смертию безобразною осудим его, /

бúдет бо посещéние от словéс его./ Сия помыслиша и прельсти́шася, ослепи́ бо я злóба их,/ и не разумéша таин Божиих и не разсуди́ша,/ яко Ты еси Бог Едiн, животá имéяй и смёрти власть,/ и спаса́яй во врéмя скóрби, и избавля́яй от всякаго злá./ Щéдр и Мiлостив, и дай́й преподóбным Своим благодáть,/ и Свóею мýщицею гóрдым противля́йся.

На литии стихиры, глас 2:

**Приидите, верных собори,** / псалóмски восплéщем руками / печальным утéшителей, / о грешных ко Господу молитвенники, / иже вси везде теплых предстателей воспевающе, / святителей Петра, Алексия, Иону, Филиппа и Ермогена, / похвалу земли Россiйстей / и всего священства украшение, / рéки милости воистинну, / Божественнаго Христова смирения ревнителей, / подающего миру велию милость.

**Имеюще дерзновение ко Господу,** / пастьрие всесвященнии и святителие, верным утверждение, / иже любовию творящим всечестную память вашу, / молити избавитися всякаго обстояния и варварскаго нахождения / ко Владыце вашими молитвами.

**Разумнии церковнии светильницы,** / Троице поборницы, Россiйстии первопрестольницы, / мглу прелести отгнавше и православия светом мир просветивше, / темже и сподóбистесь Божественней славе быти причастницы, / моли́теся Христу Богу непрестанно / даровати нам велию милость.

Слава, глас 5:

**Востру́бим трубою песней,** / взыграим прáздненная и ликовствуим, радующеся, / в молебное торжество мудрых священноначальник. / Вернии люди да стекúтся, и Церкви Христовы светильником восплещут в песнях. / Пастьрие и учителя добраго Пастьря, / сих мудрых священнотаинник, сошедшеся, восхвалим, / светильники светозарныя, светопрiёмныя свещи, / столпы церковныя, / веры крепкая основания, лáстовицы, Божественную вéсну провозвещáющия

спасения, / трубы, мусикійски возглашающія, /  
песнями Божественными восхваляюще, сице  
рцем: / святїи чудотворцы, Петре, Алексіе,  
Іоно, Филиппе и Ермогене, / скоро предварите, и  
избавите нас / от находженій иноплеменных и  
междоусобных брани, / и спасите стадо свое  
молитвами вашими.

**И ныне, Богородичен:**

**В**остру́бим трубою песней: / преклоншися бо  
свыше, Всецарица, Мати Дева, / благословеньми  
венчава́ет воспевающих Ю. / Вернии люди да  
стекутся, / и Царице да восплещут в песнях, /  
Царя рождшей, / Иже смертью одержимыя  
пёрвее разрешити человеколюбно благо-  
изво́лившаго. / Пастырие и учителяе, / до-  
браго Пастыря Пречистую Матерь, сошедшеся,  
восхвалим, / свѣщник златозарный, светоносный  
облак, / Небес простра́ннейшую, / одушевленный  
же кивот, огнезрачный Владычень Престол, /  
манноприемную златую ста́мну, / заключѣнную  
Слѡва дверь, / всех христиан прибежище, / песнь-  
ми Богогласными похваляюще, сице рцем: / пала́-  
то Слова, сподоби смиренных нас Небеснаго  
Царствія: / ничтоже бо невозможно ходатайству  
Твоему.

**На стиховне стихиры, глас 2:**

**К**їими песненными добротами / воспоем Хри-  
стовых святителей, / Евангелию проповедников  
светлейших, / церковных хранителей и заступни-  
ков земли Россійстей, / наставников ко свету  
Богоразумія, / ихже молитвами Христос врагов  
шатанія низложи, / имей велию милость.

**Стих:** Честна́ пред Господем / смерть преподоб-  
ных Его.

**К**їими бодренными устна́ми похва́лим Бого-  
мудрых святителей, / Христѡве Церкви светлое  
украшение, / священства венцы, благочестія  
управление, / источников Божественных исцелен-  
ній неисчерпа́емых, / пролитіе дарований духов-  
ных, / ре́ки многих чудес, землю Россійскую весе-  
лящія течением, / Петра, Алексія, Іону, Филип-  
па и Ермогена, / отечеству теплыя пособники, /



ихже ради Христос врагов шатания низложи, /  
имеяй вѣлию милость.

**Стих:** Священницы Твои облекутся в правду, /  
и преподобнии Твои возрадуются.

**Кѣими** украшенными гласы воспоем  
святители, / дивныя в чудесех, / Петра, Алексия,  
Иону, Филиппа и Ермогена, / освященные от  
пелен, столпы Церкви неподвижимыя, / безплот-  
ным сожители, правды исправление, / обидимым  
заступники, немощнымъ врачи безмездныя, / ихже  
ради дарова Христос Церквамъ соединение, / мир  
и вѣлию милость.

**Слава, глас 3:**

**Святителие** всечестнии, / преблаженнии отцы  
и чудотворцы, угодницы Христовы, / Российстии  
первопрестольницы, / Петре, Алексие, Ионо, Фи-  
липпе и Ермогене, / иже пророческимъ житиемъ  
просиявше, / апостольскихъ сподобистесь даровъ, /  
Спасу служаще со Ангелы непрестанно, / молите  
избавитися намъ от всякаго прегрешения, / и ду-  
шамъ нашимъ подати мир и вѣлию милость.

**И ныне, Богородичен.**

**Тропарь, глас 4:**

**Первопрестольницы** Российстии, / истиннии  
хранителие апостольскихъ преданий, / столпы не-  
поколебимии, православия наставницы, / Петре,  
Алексие, Ионо, Филиппе и Ермогене, / Владыку  
всехъ молите / миръ вселенней даровати / и душамъ  
нашимъ вѣлию милость.

**Слава, и ныне, Богородичен.**

#### **НА УТРЕНИ**

**На Бог Господь:** тропарь тойже.

**По 1-мъ стихословии седален, глас 5.**

**Подобен:** Собезначальное Слово:

**Яко** царское украшение Церкви, / святителей  
Господнихъ восхвалим, / преданиемъ сокровище  
неоскудеемо, / сими бо тии наказаше насъ Трои-  
цу чести Святую, / соединену убо Существомъ, /  
разделену же Ипостасями.

**Слава, и ныне, Богородичен:**

**Пресвятая** Дево, помилуй нас, / прибегающихъ  
верую к Тебе, Милосердой / и просящихъ теплаго  
Твоего заступления, / можещи бо яко Блага вся

спасти, / яко сущи Мати Бога Вышняго, / Матерними Твоими молитвами присно объёмлющи, Богорадованная.

По 2-м стихословии седален, глас 3.

Подобен: Божественныя веры:

**Столпи бысте Церкви / и богатство некрадомое благочестия, / явилисья естé Богословеснии святителие, / в безстрастии осияли естé житиё свое / и Троицеская изьяснисте учения повелений, / отцы преподобнии, / Христа Бога молите о спасении душ наших.**

Слава, и ныне, Богородичен:

**Божественнаго естества не отлúчься, / плоть быв во чреве Твоем, / но Бог вочеловéчься и пребысть, / Иже по рождестве Матерь Тя Деву, / яко прежде рождества сохранив Всенепорочну, / Един Господь, Того прилежно моли / даровати нам велию милость.**

По Хвалите Имя Господне: величание:

**Величаем вас, / святителие Христовы, / Петре, Алексие, Ионо, Филиппе и Ермогене, / и чтим святую память вашу, / вы бо молитесь за нас / Христа Бога нашего**

Псалом избранный: Услышите сия вси язýбцы:

По полиелеи седален, глас 4:

**Премудрии учителяе вселенней, / иже Бога славяще словесы и дёлы на земли, / да возвеличатся днесь, / яко спасения всем нам подателие.**

Слава, и ныне, Богородичен:

**Предстательнице нерáтная, Богородительнице, / и молитвою готовая притекающим к Тебе, / от бед мя избави / и не презри мене, всех заступление.**

Таже степенна, 1-й антифон 4-го гласа. Прокимен: Честна пред Господем / смерть преподобных Его. Стих: Что воздам Господеву о всех, / яже воздаде ми? Всякое дыхание: Евангелие от Иоанна, зачало 36.

По 50-м псалме стихира, глас 6:

**Божественная благодать осеняет / всечестныя раки мощей ваших, преблаженнии, / темже и в воню мира чудес ваших притекающе, / недúгом исцеления почерпаем, / но, о святителие Христовы, Петре, Алексие, Ионо, Филиппе и Ермогене, / Христа Бога молите о душах наших.**

Канон Богородице со ирмосом на 6,  
таже святителей, на 8, глас 8

Песнь 1

**Ирмос:** Воду прошед, яко сушу, / и египетскаго зла избежав, / израильтянин вопиаше: / Избавителю и Богу нашему поим.

**Многими содержими напастьми, / к вам прибегаем спасение получитьи, / о велиции святителие, Петре, Алексие, Ионо, Филиппе и Ермогене! / От лютыя нужды и бед спасите нас.**

**Страстей прилози / и многия печали и беды погубляют мою душу; / умирите, святии святителие, к Богу вашими молитвами, / и от печали на веселие преложите.**

**Спаса Христа молителю, велиции чудотворцы и избранныи, / Петре, Алексие, Ионо, Филиппе и Ермогене, / избавитися нам от бед и скорбей / и варварскаго нахождения вашими молитвами.**

**Богородичен:**

**В скорби ны и болезни суща, / посещения Божественнаго и промысления / еже от Тебе сподоби, о Богомати, Владычице.**

**Катавасия:** Отверзу уста моя:

Песнь 3

**Ирмос:** Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, / верных утверждение, / Едине Человеколюбче.

**Заступницы и покровителие граду Москве вы есте по Бозе, / Божии угодницы, / направите нас на пристанище спасения: / вы бо есте верным ограждение.**

**Молим вас, святии чудотворцы, Петре, Алексие, Ионо, Филиппе и Ермогене, / душевное смущение и печали бурю разорити нам / и тишину подати / к Богу вашими молитвами.**

**Благороднейшии и благим подражателие бывше, / от Бога чудесы обогатившися, / всем помогайте, молящися Богу, / вас прославляющему, Своя угодники.**

**Богородичен:**

**Лютыми недуги / и болезненными тяжкими варварскими находы истязаемым, / Дево Богоро-**

дице, Ты нам помози / и печаль на радость преложи.

**Седален, глас 4:**

**Прострите** ваша длани, святии отцы, ко всех Владыце, / **имиже** добре потрудитесь, и Богу угодите, / и требующим неоскудно подасте, / и устне ваша на молитву отверзите, / **имиже** Бога славословисте, / и люди на Богоразумие настависте, / **ускорите** убо на помощь нашу, / и от находящих на нас бед и зол / и всякия нужды избавите нас вашими молитвами к Богу.

**Слава, и ныне, Богородичен:**

**Деву** Всенепорочная, / **Яже** Пресущнаго Бога рождающая, / со святители Того непрестанно моли, / оставление прегрешений / и исправление жития дати нам прежде конца, / верою и любовью поющим Тя по долгу, / **Едина** Всепетая.

**Песнь 4**

**Ирмос:** Услышах, Господи, / смотрения Твоего таинство, / разумех дела Твоя / и прославих Твое Божество.

**Страстей** моих смущение / и многих бед нахождения бурю утишити / **молитесь**, святии отцы, к Богу вашими молитвами.

**Милосердия** бездну прострите нам, святии отцы, / **призывающим** вас на помощь, / яко Милосердаго Бога имате, послушающа ваших молитв.

**Надежду** имуще вас, святии отцы, / **Петре, Алексие, Ионо, Филиппе и Ермогене,** / и яко стѣну недвижиму к Богу ваша молитвы, / **зол** и всех бед избавляемся.

**Богородичен:**

**Исцели,** Чистая, душевныя наша немощи и страсти телесныя, / **поспеши,** Госпоже, здравие подати молитвами Твоими.

**Песнь 5**

**Ирмос:** Просвети нас повелѣнии Твоими, Господи, / и мѣщцею Твоею высокою / Твой мир подаждь нам, / Человеколюбче.

**Исполните,** святии отцы, веселия живот наш, / **избавляюще** нас варварскаго нахождения и междоусобныя брани.

**Избавите** нас от бед, святии чудотворцы, / **яко**

предстателие теплии и молитвенницы о душах наших.

**Разрушите** мглу прегрешений моих и безместных деяний / вашими к Богу молитвами.

**Богородичен:**

**Яко** стѣну нерушиму и пристанище стяжахом, / и душам Тя совершенное спасение, / и пространство в скорбех, о Владычице, / ныне нас от страстей и бед спаси.

**Песнь 6**

**Ирмос:** Молитву пролию ко Господу / и Тому возведу печали моя, / яко зол душа моя исполнися, / и живот мой аду приближися, / и молюся, яко Ибна: / от тли, Боже, возведи мя.

**Смерти** и тли, и варварскаго пленения избавите, / и огненнаго запаления свой град сохраните / к Богу вашими молитвами.

**Заступники** вас вѣмы и твердыя хранители граду нашему, / святителие Господни, / тем к вам прибегающе, милость приемлем и бед избавляемся.

**Яко** стѣну и пристанище стяжахом вас, святии чудотворцы, / пространство в скорбех / подтверждение и спасение душам нашим.

**Богородичен:**

**Заступницу** Тя живота вем и Хранительницу тверду, Дево, / напастей решащу молвы и налоги бесов отгоняюще, / и молюся всегда страстей мя избавити, Всенепорочная.

**Кондак, глас 3**

**Подобен:** Дева днесь:

**Во** святителех благочестно поживите / и люди к Богоразумию наставите, и добре Богу угодите, / сего ради от Него нетлением и чудесы прославистесь, / яко ученицы Божия благодати.

**Икос:**

**Первозванного** намѣстницы и Российстии первопрестольницы, / велиции светильницы, Петре, Алексие, Ионо, Филиппе и Ермогене, / Троице поборницы, православию наставницы, / в мире благочестно поживите и учением своим вселенную просветисте, / сего ради Царствию Небесному наследницы бысте, нетлением и чудесы прославистесь, яко ученицы Божия благодати.

## Песнь 7

**Ирмос:** От Иудеи дошедше отроцы, / в Вавилоне иногда / верою Трбическою пламень пещный попраша, поюще: / отец Боже, благословен еси.

**Наше спасение, якоже восхотел еси, Спасе, устроить, / прославляеши Твоя угодники чудесы, вопиющая Ти: / отец наших Боже, благословен еси.**

**Волителя милости, Егоже роди Мати, / молите, святии Христовы святителие, Петре, Алексие, Ионо, Филиппе и Ергогене, / избавити нас от прегрешений, и бед, и зол, зовущих: / отец наших Боже, благословен еси.**

**Сокровище спасения и источник исцеления, / наставницы покаяния вы есте, Божии угодницы, вопиющим: / отец наших Боже, благословен еси.**

**Богородичен:**

**Сокровище спасения, и источник нетления, / Тебе рождшую / и столп утверждения, и дверь покаяния вопиющим показа: / отец наших Боже, благословен еси.**

## Песнь 8

**Ирмос:** Царя Небеснаго, / Егоже поют вси Ангельстии, / хвалите и превозносите во вся веки.

**Помощи вашае требующия не презрите, святии отцы и наставницы Православия, / поющия и превозносящия Христа во веки.**

**Неможение душ наших исцеляете и от телесных болезней возставляете / вопиющих и превозносящих Христа во веки.**

**Исцелений богатство источаете к вам притекающим, Божиим угодником, / и верно поющим, и превозносящим Христа во веки.**

**Богородичен:**

**Напастныя Ты прилоги отгоняеши и страстныя находы, Дево, / яко да Тя поем и превозносим Чистую во веки.**

## Песнь 9

**Ирмос:** Воистинну Богородицу / Тя исповедуем, / спасении Тобою, Дево Чистая, / с Бесплотными лики Тя величающе.

**Точения слез не презрите, молим вас, святии отцы, / Петре, Алексие, Ионо, Филиппе и**

Ермогене,/ и всем утешение подати, блажа́щим вас.

**Радости сердца́ наша исполните вашими к Богу молитвами,/ святии отцы и заступницы тёплии.**

**Светильницы пресветлии, Троицы побóрницы,/ Петре, Алексие, Ионо, Филиппе и Ермогене,/ труды́ и подвиги вашими мрак неведения отгоняшеса, благоверно вас ублажающих.**

**Богородичен:**

**Света Твоего заря́ми просвети, Дево,/ мрак неведения отгоняющи и лютых бед спасающи,/ иже благоверно Богородицу Тя исповедающих.**

**Светилен:**

**Светозáрныя светильники паче солнечных луч/ от Светоначáльныя Троицы и Трисóлнечныя Ед́иницы паче естества смéшены,/ Богонóсныя восхвалим отцы.**

**Богородичен:**

**Тебе песньми немóлчными ублажаем, Дево,/ Яже от Троицы Единаго во чреве приёмши, Богородице,/ Божественными руками Пресу́щное Слово носívши,/ непреложно и неизменно.**

**На хвалитех стихиры на 6, глас 8.**

**Подобен: О преславнаго чудесе!**

**Имеяй душу милостиву,/ и чист помысл, и сердце несмущённо,/ и веру непорочну,/ и любовь нелицемерну,/ учительство изрядно,/ и святительства достоинство,/ и ныне ликóм святителей сопричтáлся еси на Небесех,/ сего ради почитаем тя, святителю Петре,/ священными пёсньми благочестно вси ублажаем.**

**О пречестный́ отче, досточудне премудре Алексие,/ ты иноческим житиём Богу угодил еси,/ ты Бог прежде избрá от юности/ пастыря овцам словесным и учителя велика;/ ты священником наказáтель явился еси / и всей стране Российстей звезда пресветлая,/ осиявающи чудесы всех,/ верою припадающих к раце мощей твоих,/ тем первосвятителей лик ты восприят,/ с нимиже моли́ся, прося стаду твоему грехов оставление.**

**Отче Ионо, Богомудре святителю, / ты измлада Христа возлюбив, / и Того любви прилепился еси, / и от Него Пресвятаго Духа / Божественными зарями сердце твое просветив, / световиден воистинну был еси, / темже иже ко храму твоему притекающия / прошения ко спасению сподоби / и моли Христа Бога спастися душам нашим.**

**Течение совершил еси и веру соблюл еси, / святителю блаженне Филиппе, / сего ради Христос ты венча светлым венцем правды / и украси твое исповедание, досточудне. / Тем Небесное наследие прием, / Спасу молися о воспевающих память твою.**

**Глас 7:**

**Сотворите в песнях суд написан: / слава сия будет великому Ермогену, / той бо есть Православия ревнитель / и вся Руси хранитель, / яко орел, птенцы своя покрываяй.**

**Глас 8:**

**О пречестнии досточуднии отцы, / Петре, Алексие, Ионо, Филиппе и Ермогене! / Порученный вам талант умноживше, / радости сподобитесь Господа своего / и ныне предстоите с лики святителей, / украшени благодатию Божественнаго сияния, / темже верою и любовью / пресветлую вашу память восхваляем, / Христа величающе, / прославльшаго Своя угодники.**

**Слава, глас 6:**

**Добрии раби, блази и вернии, / и добрии делатели винограда Христова, / вы тяготу дневную понесли есте, / и данный вам талант возрадивше, / и по вас пришедшим не завидевше, / темже и дверь Небесная вам отверзется, / внидите в радость Владыки Христа, / молящися о нас, святии учителяе.**

**И ныне: Богородице, Ты еси лоза истинная:**

**На литургии: Блаженны, песнь 3-я и 6-я. Прокимен: Честна пред Господом смерть преподобных Его. Стих: Что воздам Господеву о всех, яже воздаде ми? Апостол ко Евреом, зачало 335. Аллилуия: Священницы Твои облечутся в правду, и преподобнии Твои возрадуются. Стих: Внидем в селения Его: Евангелие Матфея, зачало 11. Причастен: Радуйтесь, праведнии:**



**В  
ТОЙЖЕ  
ДЕНЬ**



## **Святые мученицы Харитины**

**На Господи, возвах: стихиры, глас 4.**

**Подобен: Яко дбля:**

**Радости яко тезоименитая, / радостию преселлася еси в Чертог, всечестная, Небесный, / идеже твое возлюбила еси стяжати житие, / претерпевши огня болезненное истинно мучение, / зубов убо и ногтей всех искоренения, / страстотерпице Харитино, девомученице многострадальная.**

**Львов сломила еси челюсти, многострадальная, / челюстей терпящи сокрушения, / и ногтей истерзания доблественно терпела еси, / искоряющи люта прелести свирепства, / в морския же ввержена глубины, / злобу потопляему творящи / лукаваго ратоборца.**

**По кончине блаженней, / в море ты ввержену, / твой родитель, славная, прият ты, вопия со ужасом: / како ныне облагодатствися, / священнейшее мое и любимое рождение, / муками честнаго страдания / и наречение истинное содела ла еси, / прообразившее благодатию?**

**Слава, и ныне, Богородичен:**

**Тучами Духа Пресвятаго, Пречистая, / мою мысль ороси, / яже каплю рождающая, Христа, неизчетно, / безмерная беззакония человеков щедротами измывшую, / изсуши источник страстей моих / и потока мя сподоби / пици Живыя присно молитвами Твоими.**

**Крестобогородичен, подобен тойже:**

**Агница и Пастыря, Ты, на Древе яко виде, / Агница рождающая рыдаше и матерски Ти вещаше: / Сыне Возжеленне, како на Древе Крестнем повешен еси, Долготерпеливе? / како рuce и нозе Твои, Слове, пригвоздишася от беззаконных / и Кровь Твою изливал еси, Владыко?**

**Тропарь, глас 4:**

**Агница Твоя, Иисусе, Харитина / зовёт велиим гласом: / Тебе, Женише мой, люблю / и, Тебе ищущи, страдальчествоую, / и сраспинаюся, и**

спогребáюся крещению Твоему, / и страждú Тебе  
ради, яко да царствую в Тебе, / и умираю за Тя,  
да и живу с Тобою; / но, яко жертву непорочную,  
прими́ мя с любовью, пожёршуюся Тебе. / Той  
молитвами, / яко Милостив, спаси́ души наша.

#### НА УТРЕНИ

Оба канона октоиха и святыя канон на 4, егоже  
краегранесие: Харитины благодать пою любовью.  
Иосиф. Глас 4.

#### Песнь 1

**Ирмос:** Моря чермную пучину / невлажными стопами /  
древний пешешествовав Израиль, / крестообразными Мо-  
исеовыми руками / Амаликову силу в пустыни победил  
есть.

**Твоими, о Харитино, даровании ум мой**  
облагодательствуй, / облагодатившись страдань-  
ми священными, / священо воспевати тя яко  
страстносицу, и мученицу, / и девством  
сияющую.

**Благодать Пресвятаго Духа ты одаровавши, /**  
радостотворными украси плетеньми / и радость  
вечнующую наследити укрепи, мужемудренно  
пострадавшую.

**На Кресте Ты воздвигена, Владыко, /** разуме-  
вши благославная Твоя мученица, раны терпит  
болезненные, / укрепляема силою Твоею, наше  
естество укрепившаго.

**Богородичен:**

**Селó вмести́тельно была еси Божественнаго**  
Естества, Богородительнице Чистая. / Тем Хари-  
тина, любящи Тя, девственно вслédствовавши  
Тебе, / Сыну Твоему приведéся.

#### Песнь 3

**Ирмос:** Веселится о Тебе Церковь Твоя, Христе,  
зовущи: / Ты моя крепость, Господи, / и прибежище, и  
утверждение.

**Вжéгшее твою душу желание Божественное /**  
плотская рачения и лóтая врения мук погаси.

**Разсédшася пред ногами твоими мученически-**  
ми врага зряще Христовою благодатию, / хвале-  
ния Ему приносим.

**Крепостию вседétельною враждебную главу**  
сокрушила еси, / твоея главы претерпéвши, муче-  
нице, крепко пожжéние.

**Богородичен:**

**Еди́ну** в жена́х, Благословенную Тя, Чистая, лю́бящи, / Твоими благѣми благодѣтьми мученица Харитина прослѣвися.

**Седален, глас 4.**

**Подобен: Удивися Иосиф:**

**Облагодѣтствивши** душу твою Богоданными добродетельми, / просветилася еси истинно мучением твоим, честная, / и уневѣстилася еси Творцу твоему, нетленна чистотою пребывши, Харитино, / тем врага попрала еси, многовѣдная страдания же и болезни преодолѣнно претерпѣвши. / Сего ради верою пресвятую твою память торжествую.

**Слава, и ныне, Богородичен:**

**Удивися Иосиф,** еже паче естества зря, и внимаше мыслию, / иже на рунѣ дождь, в безсѣменном зачатии Твоем, Богородице, / купину, огнем неопалимую, жезл Ааронов прозябший, / и, свидетельствуя, обручник Твой и хранитель священником зываше: / Дева раждает и по рождестве паки Дева пребывает.

**Крестобогородичен:**

**Дева и Агница,** видевши на Крестѣ без семени из Нея Агница рождшагося / и копием прободена, / печали уязвена стрелами, вопияше, болезненно восклицаящи: / что новое таинство? како умираеши, Иже Живота Един Господь? / Темже воскресни, падшаго воздвизая праотца.

**Песнь 4**

**Ирмос:** Вознесена Тя видевши Церковь на Крестѣ, / Солнце праведное, / ста в чине своем, / достойно зываючи: / слава силе Твоей, Господи.

**Жертву** яко непорочно, / к заколению ты из отеческих, мученице страстоносице, восхитиша рук мучителя, / Отца Небеснаго зело возлюбившую.

**Отроковицам** мудрым последовавши, / душевную свещу твою богато кровью напоила еси, всеславная, / и Божественный наследовала еси, / мученице радостоименитая, чертог.

**Сердце** твое, рачением Жениховым распаляемо, / углие прелести, доблеумудренная,

проли́тием погаси́ крѡве/ и море многобо́жия  
изсуши́.

**Богородичен:**

**Воплощеннаго родила́ еси Божия Слова, Бого-**  
**родительнице Чистая;/ Егоже Харитина, любящи**  
**теплѣйше,/ огню́ противоополчи́ся и многови́д-**  
**ным му́кам.**

**Песнь 5**

**Ирмос: Ты, Господи, мой свет,/ в мир пришёл еси,/**  
**Свет Святы́й, обраща́й из мрачна невѣдения/ верою**  
**воспева́ющая Тя.**

**Главы́ остриже́нием и у́гля разжже́нием ос-**  
**корбляюще тя, Богому́драя,/ разума твоего кре́-**  
**пости ника́коже поколебáша.**

**Гвѡздие Твое и заколе́ние прообразу́ющи,**  
**Господи,/ разжже́нных рожно́в терплю́ болезнь,/**  
**мученица вопияше.**

**Оттѡрженным рук твоих и ног, дево чистая,**  
**ногте́м,/ теку́щею честно́ю твоею кровию верныя**  
**освяти́ла еси/ и демонския крѡве мир христопо-**  
**добно очи́стила еси.**

**Богородичен:**

**Ум земны́й Твоего па́че естества зача́тия не**  
**может разумети,/ Мати Дево, Отрокови́це:/ Бога**  
**бо родила́ еси.**

**Песнь 6**

**Ирмос: Пожру́ Ти со гласом хвалѣния, Господи,/ Цер-**  
**ковь вопиѣт Ти,/ от бесѡвския крѡве очи́щшися,/ ра́ди**  
**милости от ребр Твоих/ истѣкшею Крѡвию.**

**Благода́тьми и зна́мении Христос венча́ свя-**  
**щенную твою главу́,/ за Негоже пострада́ти изво́-**  
**лила еси, страсотѣрпице,/ радости Божѣствен-**  
**ныя тезоименита́я.**

**Иѡну из глубины́ Изба́вивый/ и тебе, в**  
**морскую пучину́ ввѣрженную, спасает живу́,**  
**Богому́драя,/ и глуби́ною кровѣй твоих врага**  
**погрузи́л есть.**

**Оружием терпения враги умертвила́ еси/ и,**  
**терпящи зубѡв всеконечное истерза́ние,**  
**сла́вная,/ львов безплотных чѣлюсти сломи́ла**  
**еси.**

**Богородичен:**

**Крепость Тя обрѣтши, Дево, и утвержде́ние,/**  
**Харитина страсотѣрпица му́ки крепко терпит/**

и, радуешься, во след Тебе, всех Владыце, приводится.

Кондак, глас 2.

Подобен: Вышних ищя:

**Крепким разумом, Харитино, / душу утверждши верою, / борителя врага яве посрамила еси, / у Христа предста, всеблаженная, / червленицу от кровей твоих носящи, / и присно со Ангелы радуешься, / моли за ны, страсотерпице.**

Песнь 7

**Ирмос: В пещи Авраамстии отроцы персидстей / любовь благочестия паче, / нежели пламенем, опаляеми, взываху: / благословен еси в храме Славы Твоея, / Господи.**

**Юныя три отроки от пещи Избавивый / спасает от колеся ты, мученице, огневиднаго, благодарственно воспевавшую: / благословен еси в храме Славы Твоея, Господи.**

**С девами, священосица, на Небесная восходиши, / огненная свещи крепко, вегда пети, терпела еси: / благословен еси в храме Славы Твоея, Господи.**

**Обличен терпением твоим пребеззаконный, / руже связует и нозе, и во глубины вметает ты, поющую: / благословен еси в храме Славы Твоея, Господи.**

**Словом твоим Божественным безсловесие врагов обличила еси, / страстей страстми, мученице, животворных исполнила еси лишение, / благословен еси, зовущи, Боже мой, Господи.**

Богородичен:

**Деву Едину, яко Чисту Тя и Нетленну, Слово Чистое возлюбил / и из Тебе возсоздал Воплощаемый, Отроковице, всего человека, / Харитину прославив чудесы.**

Песнь 8

**Ирмос: Руже распростер Даниил, / львов зияния в роже затче, / огненную же силу угасиша, добродетелию препоясавшися, / благочестия рачители, / отроцы взывающе: / благословите вся дела Господня Господа.**

**Красна добротами твоих язв была еси / и причталася еси, дево, нетленна пребывши, красному Слову, всечестная, / от Девы нас ради**

воплощённому Христу, Ему же вопием: / благословите вся дела Господня Господа.

**Всеми борима прилоги мучащих тя, / доблественно претерпела еси колесё паляща лютость, рожнов разжжения, / в глубину ввержение и зубов, честная, и ногтей искоренения, / Христа величаючи во веки.**

**Нозе твои добротами болезней, славная, украситесь, / тем, на воды ступаючи, не омокритесь, / с тобою пребывающим, дево мученице, славным Божиим Ангелом, / с ним же вопияла еси: / благословите вся дела Господня Господа.**

**Чудо, удивляющее всяк ум по скончании, / како родителю издаде мочи твоя глубина приемшая, яже погребё отчески, / сокровиществует благодать от тебе, Харитино, / Царство приим Небесное.**

**Богородичен:**

**Явилася еси превышшая Небес, Бога Небеснаго порождши, / онебесившаго земнородных, Пречистая, все смешение / и Харитины честную память просветивша, Ему же поим: / благословите вся дела Господня Господа.**

### Песнь 9

**Ирмос: Камень нерукосечный / от несекомыя горы, Тебе, Дево, / краугольный отсечёся, / Христос, совокупивый разстоящаяся естества: / тем, веселящися, Тя, Богородице, величаем.**

**Да венцев славы, яко нетленная, дево мученице, получиши, / всяких мучений вид претерпела еси, / веселящися духом и разума твердостью.**

**Яко удобренная, и красная, и Богоугодная дева, / яко непобедимая мученица и Владычня невеста непорочная, / златовидными крылы к Небесным возлетела еси.**

**Ты, световидная страстотерпице, возсияла еси лучами, / мрак лукавствия демонов и страстей отгониши / Богоданными ти всегда чудодействы, досточудная.**

**Радостный твой день, веселящися, люди совокупляет твоя доблести воспети, / и подвиги, и**

борения, и мужественное страдание, / великому-  
ченице радостотезоименитая.

**Богородичен:**

**Свет нам возсия из утробы неискусобрачныя  
Твоя: Дево, / Егоже сияньми озарившия  
Божественно, / свет бысть радости,  
тезоименитая, / Богородительнице Неискусобрач-  
ная.**

**В  
ТОЙЖЕ  
ДЕНЬ**



**Преподобных отец наших Дамиана пресвитера,  
Матфея и Иеремии прозорливых,  
в Ближних пещерах почивающих**

**НА ВЕЧЕРНИ**

**На Господи, возвах: стихиры на 6, глас 4.**

**Подобен: Яко добля:**

**Одержима мя болезнями душевными и  
телесными, / елеем милости твоя, / яко помазание  
имый священное свыше, / Дамиане преподобне, /  
скоро исцели вопиюща к тебе от сердца, / и  
молитвами теплыми к Богу / даждь смирение  
сердцу моему, / согнившийся же души моя стру-  
пы очисти, / да чистыми устнами принесу Богу  
хваление, / прославляющемуся во святых Своих.**

**Духа Пресвятаго благодатию / озарив свою  
душу, Иеремие прехвальне, / приял еси дар от  
Бога / будущая, яко настоящая, провозвещати, /  
и, древнему подобяся пророку, / неложне вся  
предсказовал еси, / и провидел еси тайны челове-  
ческаго сердца, / озарением твоим и наша сердца  
просвети / и испроси от Христа Бога велию  
милость.**

**Матфею, Слова Божия провозвестнику, / пос-  
ледовал еси чудне, / якоже бо той ефиопския  
непокаряющиеся люди / дерзновенно обличаше, /  
так и ты, блаженне, / подземных лукавых  
ефиопов / посрамил еси хитроплетенныя козни. /  
И ныне молим тя, отче, / мысленне очерняющия  
умы наша / бесовския полки прожени, / и избави  
от бед души наша.**

Слава, глас 2:

**Троицу** достоблаженных отец, / Троицы предстателей, / Дамиána, и Иеремію, и Матфѣя, / приидите, людие, хвалами почтим / и принесем славословие в Вышних Суцему Богу, / давшему угодники Своя Россійстей землі в помощь, / и молитвенники о душах наших.

И ныне, Богородичен.  
На стиховне в Октоихе.

Слава, глас 6:

**Светлая** и светоносная возсия днесь память ваша, / отцы наши всеблаженнии, / светло бо облистáете чудес лучами, к вам приходящих / и просящих от вас тѣплаго заступления. / Тем убо и мы припадаем к мощем вашим, / усердно тыя лобызающе, / и славим Бога, давшаго вам толіка дарования, / имиже и нас обогатíte / и испросíte от Христа велию милость.

И ныне, Богородичен.  
Тропарь, глас 1:

**Христовых** повелений светом сердца своя просветівше, / страстный мрак прогнасте, / тем же Троицы селение бысте тричисленнии отцы, / Дамиáne, Иереміе с Матфѣем, / от Неяже благодать приемше, / недужныя исцеляете, будущая возвещаете / и, Ангелом сопричастницы суще, / молíteся Христу Богу даровати нам причастие святых.

Канон преподобным отцам, глас 5.

Песнь 1

**Ирмос:** Спасителю Богу, / в мѣри люди немѣкрыми ногами настáвльшему / и фараѡна со всебѡинством потѡпльшему, / Тому Единому поим, яко прославися.

Спасителю Богу хваление принесѣм, / славословяще угодника Его преблаженнаго Дамиána, недужным мудраго врача, / и возопиим Давшему таковая дарования, яко прославися.

**Наставника** своего равноангельному житію подражал еси ревностию непрестáнною, / от негоже настáвлен, украсился еси добродетелию, / немолчно во хвалении по вся нѡци без сна пребывая и взывая Богу, яко прославися.



**С** пророки предстоя ныне Спасителю Богу, яко дерзновение имый, / молися благодатию облистати сердца, с верою тя, Богодухновенне Иеремие, блажащих / и Спасителю вопиющих, яко прославися.

**Разумное** око Божие всевидящее, видя твое чистое сердце, блаженне Матфее, / даде тебе дар тайны человеческия ведати и открывати на пользу всем, / да тобою наставляеми поют Богу, яко прославися.

**Богородичен:**

**Разумное** солнце сущи Трчисленного Божества, Дево Чистая, / наша умы помраченныя страстьми и сластьми озари, / да Тобою просвещаемы, поем Богу, яко прославися.

### Песнь 3

**Ирмос:** Силою Креста Твоего, Христэ, / утверди мое помышление, / во еже пети и славити / спасительное Твое вознесение.

**Силою** Божиею укрепляем, был еси, блаженне, кроток и молчалив, / к Богу беседуя теплыми молитвами, и упражняяся прилежным чтением Святыя Писаний, и тем утверждаяся о Господе, / якоже сожителствующии о тебе ясно поведашу.

**Брашно** твое и питие бысть Слово Божие, имже питал еси душу твою, преподобне, / тело же твое хлебом токмо и водою, и сим питался еси до дне смерти своя, / вся духу покоряя востающия страсти.

**В** старости мастите, исполнив лета своя, Иеремие, / приял еси дар провидети тайны сердечныя, и обличал еси на едине лукавая человеческая помышления, / и наставлял блюстися от диаволя совета.

**К** первоначальным отцем Печерским пришед, вселился еси с ними / и, иночествуя, вся похоти телесныя победил еси, / темже приял еси от Бога дарование, яве зрети лица подземных ефиопов, Матфее чудне.

**Богородичен:**

**Преобразующияся** в различныя виды лукавыя ефиопы и действующия мысленне во удесех наших, Богородице, / посещением лица Твоего

устрані и прожені, / да без смущения поем Твою спасительную силу.

Седален, глас 8:

**Я**ко сугубую приемый благодать от Бога, Дамиáne, / сугубыя исцеляеши страсти душевныя прилежными молитвами, / телесныя же возложением руки и помазанием святаго елеа; / нас, страждущих обоими недуги, / уврачуй, и отжени ураняющія ны страсти, / и молися Христу Богу / получитьи вечный живот почитающим святое усение твое.

Слава, и ныне, Богородичен:

**В**сенепорочная Невесто, пространное селение Божия Слова, / страстей мя, суца скверное селение, очисти и светлое обиталище добродетелем покажи, / прожені тьму беззаконий и причастия сподоби Света невечерняго молитвами Твоими, / да пою Твою несказанную милость.

Песнь 4

**Ирмос:** Услышах слух силы Креста, / яко рай отверзся им, / и возопих: / слава силе Твоей, Господи.

**Б**лаговонный грозд винограда Божия Матере показался еси, / напоен рососою учений преподобных отец, / и искапаеши вино исцелений всем, / к тебе с верою притекающим, Дамиáne, Божий служителю.

**О**ружием веры и любви пламенем огражден быв, блаженне, / отгнал еси врагов, вредящих недугами человеки; / прилежная бо твоя молитва, облаки проходящи, прогоняше болезни, досточудне Дамиáne.

**Я**ко провидец человеческих помышлений, предзрел еси плещи дающих врагом и хотящих избыти от святых сей ограды, / растворенным любви словом наказовал еси, Иереміе, / стати к борению крепко и противу врагов непоколебиму быти.

**О**ткровенными очима яве узрел еси единою в церкви обходяща беса во образе воина / и метяща на братию от воскресия риз лепковыя цветы, / да исходят прежде благословения сном омраченны, / тех, отче, наказовал еси стояти

неленостно и крестным оружием себе ограждати.

**Богородичен:**

**Обстоима** мя демонскими полки / и устреляема ласкосердствующими страстьми, Мати Божия, / укрепи и подаждь ми благодать победити тех лестных козни, / да пребуду поя Твою, Чистая, помощь.

### Песнь 5

**Ирмос:** Утреннююще, вопиём Ти, / Господи, спаси ны: / Ты бо еси Бог наш, / разве бо Тебе иного не знаем.

**О** всех, в болезни приходящих, блаженный твой наставник Феодосий повелеваше тебе молитву творити, / ты же смирен сый и благопокорив недостойна себе вменял еси исцеления дара, / но повеление творя отца своего, молитвою и елеем подавал еси здравие болящим.

**Яко** добр путник, добре шествовал еси жизни сея путь, подтверждая себе иноческими подвиги, / егда же доспел еси кончины своей, недостаточное болезнию навершив, / чист паче злата отшел еси в покой безболёзненный.

**Прозрением** от Бога тебе данным, что либо видел еси, блаженне, / неложно всякому сказовал еси, и сбывашеся слово твое в правду; / тем, яко пророком славу и преподобным состоятеля, достойно тя ублажаем, Иеремие.

**Никогдаже** изходил еси из церкви прежде окончания пения, но всегда последи, / несытное имея желание во славословии Божии пребывати; / сего ради Бог прослави тя пред Ангелы и человеки, Богоносне Матфее.

**Богородичен:**

**Святую** гору Божию и дом Славы Вышняго ведуще Тя, Чистая Дево, / во смирении припада, молюся: / возведи мя на высоту добродетельнаго жития / и сотвори мя чистый храм к восприятию Божественных дарований.

### Песнь 6

**Ирмос:** Обиде мя бездна, / гроб мне кит бысть, / аз же возопих к Тебе, Человеколюбцу, / и спасе мя десница Твоя, Господи.

**Шествовав** на земли правыя стези, / при кончине молитву к Венцедавцу растворил еси

слезами, / прося Того благодать, еже не лишити тя Царствия Небеснаго / и сожития отца твоего преподобнаго Феодосия.

**В** Свете непреступнем с преподобными причастия не лишитися желая, / со смирением ко Христу возсылал еси мольбы и получил еси, еже просил; / мудрый бо Содетель известї тебе, извещением чюдным, / яко да благонадежден отидеши в покой праведных почити.

**В** старости глибоце обновїся юность твоя духовне, преподобне Иеремие, / оставль бо ветхий покров телесный, в новое отшел еси душею селение, / к древним пророком на зрение Славы Божия.

**С**едяй единою под церковным билом, / узрел еси биющую во двери сердец наших великую толпу мрачных бесов / и, вопросив, увѣдал еси их к некоему брату идущих, / сего ради многих от братии любезно сам наказовал еси, како бных блюстися; / научи убо и нас, блаженне, да не внидут в двери сердец наших.

**Богородичен:**

**И**збави мя, Владычице, бесовских страстей обстояний, / да не внидут в дом души моя тех лукавыя толпы, / загради мысленныя двери сѣрдца страхом / и даждь ми бодрствовати и внимати спасению моему.

**Кондак, глас 2:**

**Я**коже древнии проробы благодать пророчества приемше / и неложне духом предзрѣвше, прорекоша наитї хотящая, / тако и вы в жизни нашей злая, грехов ради наших на ны грядущая, предвозвестїсте; / и ныне да не постигнут ны злая, / испросите от Христа Бѣга исправление делѣм нашим и велию милость.

**Икос:**

**Т**езоименїтым своим подражавше и Ангельски на земли поживше, великих дарований сподобистеся Иеремїе и Матфее, / предвозвещающе бо будущая, многих ко исправлению приведосте, бѣсы посрамите, человеки удивисте; / и ныне по временной жизни в безконечной с Ангельскими

лики живуще, / просите у Христа Бога исправления делом нашим и велия милости.

### Песнь 7

**Ирмос:** В пещи огненной / песнословцы спасый отроки: / благословен Бог / отец наших.

**Предста** тебе Ангел Божий, святе Дамиане, во образе преподобнаго Феодосия / и, пад на перси твоя, лобызаше любезно, яко любимаго Богу, человеком же и Ангелом, / ты же воспел еси, благословен Бог отец наших.

**Явлейся** рекл есть: / се чадо, о немже молишися Господеви, послан есмь известити тебе, / яко по прошению твоему будет ти и водворишися в Царствии Божии со святыми /. Сия словеса слышав, радостно воспел еси, Дамиане: / благословен Бог отец наших.

**Что** есть сладчае и что есть большее, яко еже жити со святыми вкупе, / идеже живет Христос, во Свете невечернем, / тамо и тебе уготовася упокоения место, Дамиане, еже и нам получитьи, молися, поющим: / благословен Бог отец наших.

**В** лице со святыми, в чести с пророки, в стоянии со Ангелы сподоблен еси, учинен, Иеремие, быти от Бога, / Емуже молися и нам чисте предстати без воздушных препятий поющим: / благословен Бог отец наших.

**Любовь** имея ко братии присно, Матфее, вся откровенная тебе открывал еси на пользу всем / и наказовал еси келлии приседети, плакаться же о гресех своих и пети: / благословен Бог отец наших.

**Богородичен:**

**Избавлени**и Тобою, Пречистая, от всех бесовских наветов, / непрестанно Рождшемуся из Тебе зовем: / благословен Бог отец наших.

### Песнь 8

**Ирмос:** Из Отца прежде век рожденнаго Сына и Бога / и в последняя лета воплощеннаго от Девы Матере, / священицы, пойте, / людие перевозносите во вся веки.

**Явльшагося** тебе от Отца Светов посланна, разумел еси быти наставника твоего Феодосия Богоноснаго, / егоже пригласив, известил еси, что представый глаголаше и что тебе обеща,

Дамиáne;/ тойже повéдаемым удивляшеса и превозносяше Господа во веки.

**С** веселием истязовал еси обещания от наставника твоего и отца, глаголющи:/ будет ли, отче, еже на прошение мое обещал ми еси?/ Той же отвещá: не вем, чадо, о немже вопрошаеши мя,/ Ангел бо Божий бысть, обещаый тебе,/ и той вселит тя тамо, идеже поют святии Гóсподеви во веки.

**Р**адостен и благонадежден сый от сичевáго извещéния,/ отшел еси в светонóсная места светонóсными проводим ангелы,/ с нимиже и поеши Господа во веки.

**В**сякое твое вéдение бяше спасающимся в наказание, преподобне Матфée,/ ниже начальствующий отрину твое наказание, имже возбуждён доспé скорее блаженства,/ идеже святии превозносят Господа во веки.

**По** многих откровéниях отшел еси в старости глубоце, Матфée,/ откровенным лицом Престолу Божию предстояти:/ молися же и о нас, святые, да с тобою сподобимся Господа видети и превозносить хвалами во веки.

**Богородичен:**

**Един** Сый существом от Троицы Бог Слово,/ в Твою, Чистая Дево, утробу вселися и нам соестествен плотию явися,/ Егоже благословяще превозносим во веки.

### Песнь 9

**Ирмос:** Тя паче ума и словесé Матерь Божию,/ в лето Безлетнаго/ неизреченно рождшую,/ вернии единомудренно величаем.

**Что** ты нареку, блаженное сие место:/ твердь ли Небесную, на нейже троица отец, аки звезды, чудесы сияют/ и озаряют честнóю их память празднующих, и песнями благочестно их ублажающих.

**От** временнаго света к Вечному преставльшеса Свету,/ светоношении вашими наша сердца просветите/ и испросите молитвами вашими,/ да в свете заповедей Господних ходяще, узрим с вами Свет невечерний.

**Благодать** исцелений от Бога святии еще в

жизни сей приемше, / нас страстьми одержимых  
скоро исцелите, / верно бо притекаем к мощем  
вашим и, молящися, песньми величаем.

**Прославим Бога, святых Своих Дамиана,  
Иеремію и Матфея прославльшаго, / иже Его в  
телесех, аки Ангелы поживше, прославиша, /  
Егоже и молим, да память их днесъ хвалами  
величающих, / не лишит нас с ними Небесныя  
Своея Славы.**

**Богородичен:**

**Доспех кончины стихословия святым твоим в  
память / и помянух кончину, егда придет время  
разрешитися мне от союз плотских, / трепещу,  
яко грядет день Судный, от негоже кто мя  
избавит, аще не Ты, Чистая Дево? / Темже к Тебе  
выну во хвалении прибегаю.**

**Светилен:**

**Свято поживше на земли, святи есте и на  
Небеси и с Ангельскими лики предстаєте Богу; /  
от Негоже приемше возмездие трудом своим, нас  
не забудите, / но, руководяще, наставите на путь  
прав, / да тем ходяще, обрящем милость в день  
Судный.**

**Богородичен:**

**Свят храм Твой zde и дивен в правду, / Сама  
бо, сущи храм Божия славы, Своим промыслом  
создала еси / и украсила еси отец святых равно-  
ангельным житием нашего ради жительствова; /  
злообразие наше в благолепие претвори, / да  
вожделет Царь доброты душ наших и излиет на  
ны великую Свою милость.**

**На хвалитех стихиры, глас 4.**

**Подобен: Дал еси знамение:**

**Светлое приятие бысте Духа Пресвятаго, /  
отцы всеблаженнии, / и, от Того просвещаеми  
Боговидно, / пророчества даром обогатитесь, /  
и будущих предуведение и разум истинный  
стяжасте; / темже молим вы, молитесь о нас /  
Иисусу Человеколюбцу и Спасу душ наших.**

**Якоже истиннии пророцы, / неложными указа-  
нии вся предрекосте найти хотящая / и провозве-  
стисте, преподобнии отцы, / Матфее и Иеремие с  
Дамианом досточудным, / весть бо Дух Святыи**

просвещати чистыя сердцем / и подаяти благодать откровения; / сего ради прославляем вас прославльшаго / Иисуса Человеколюбца и Спаса душ наших.

**Любовию Божественною распалаеми / и желанием благ грядущих, / любезно тесный путь проидёте, / нивчтоже вменившие того скорби, / тем ныне в прохладне месте ликующе, / любовию вас почитающим дадите от дарований ваших / и молитте о нас, Дамиане и Иеремие с Матфеем, / Иисуса Человеколюбца и Спаса душ наших.**

**Слава, глас 6:**

**Троицу преподобных отец, / вернии, сошедшеся, ублажим, / оваго, яко исцеления дар приемшаго, / оваго же, пророчества истиннаго исполненнаго, / оваго же, невидимая прозрящаго, / ихже торжества день, почитающе, / славим Бога нашего / и молим, еже умирить мир / и спасти души наша.**

**И ныне, Богородичен: Богородице, Ты еси Лоза:**

